

Na osnovu Odluke Vijeća Prirodno-matematičkog fakulteta Univerziteta u Sarajevu, broj: 01/06-202,208,209, 221,222 /2-2020 od 04.02.2021. godine i Odluke Senata Univerziteta u Sarajevu, broj: 01-2-51/21 od 24.02.2121. godine, raspisuje se:

KONKURS/NATJEČAJ
za izbor nastavnika i viših asistenata na
Prirodno-matematičkom fakultetu Univerziteta u Sarajevu

- **NASTAVNIK** u zvanje **REDOVNOG PROFESORA** za oblast: „**Biotehnologija**“ na Odsjeku za biologiju Prirodno-matematičkog fakulteta Sarajevo - 1 izvršilac sa punim radnim vremenom;
- **NASTAVNIK** u zvanje **REDOVNOG PROFESORA** za oblast: „**Analiza**“ na Odsjeku za matematiku Prirodno-matematičkog fakulteta Sarajevo - 1 izvršilac sa punim radnim vremenom;
- **NASTAVNIK** u zvanje **DOCENTA** za oblasti: „**Ekologija**“ i „**Botanika**“ na Odsjeku za biologiju Prirodno-matematičkog fakulteta Sarajevo - 1 izvršilac sa punim radnim vremenom;
- **VIŠI ASISTENT** za oblast: „**Radiohemija**“ na Odsjeku za hemiju Prirodno- matematičkog fakulteta Sarajevo – 1 izvršilac sa punim radnim vremenom;
- **VIŠI ASISTENT** za oblast: „**Algebra**“ na Odsjeku za matematiku Prirodno- matematičkog fakulteta Sarajevo – 1 izvršilac sa punim radnim vremenom;

Pored općih zakonskih uvjeta, potrebno je da kandidat ispunjava uvjete utvrđene članom 96. Zakona o visokom obrazovanju ("Službene novine Kantona Sarajevo", broj: 33/17, 35/20 i 40/20) i članom 194. Statuta Univerziteta u Sarajevu.

Uz svojeručno potpisanu prijavu na konkurs za izbor akademskog osoblja u naučno-nastavno zvanje, kandidati **koji se prijavljuju prilažu dokaze da ispunjavaju minimalne uvjete za izbor**, kako slijedi:

- **Redovni profesor:** proveden najmanje jedan izborni period u zvanju vanrednog profesora, najmanje dvije objavljene knjige, najmanje osam naučnih radova iz oblasti za koju se bira objavljenih u priznatim publikacijama koje se nalaze u relevantnim naučnim bazama podataka i originalni stručni uspjeh kao što je projekt, patent ili originalni metod, sve nakon izbora u zvanje vanrednog profesora, te uspješno završeno mentorstvo najmanje po jednom kandidatu za stepen drugog i trećeg ciklusa studija.
- **Docent:** naučni stepen doktora u oblasti za koju se bira, najmanje tri naučna rada iz oblasti za koju se bira objavljena u priznatim publikacijama koje se nalaze u relevantnim naučnim bazama podataka, pokazane nastavničke sposobnosti;
- **Viši asistent:** stepen drugog ciklusa (magisterij), odnosno integrisani ciklus studija, proveden izborni period u zvanju asistenta.

Kandidati za izbor redovnog profesora dostavljaju:

- Prijavu za koje mjesto nastavnika konkurišu uz obavezu navođenja priložene dokumentacije;
- Biografiju/životopis,
- Ovjerene kopije diploma odgovarajućeg fakulteta za oblast na koju konkuriše (visoke stručne spremne, naučnog stepena magistra i naučnog stepena doktora, odnosno diplome I (prvog), II (drugog), odnosno integriranog i III (trećeg) ciklusa studija po Bolonji ili Rješenja o priznavanju visokoškolske kvalifikacije, ako je stečena u inostranstvu ili potvrdu da je postupak u toku),
- Bibliografiju (priložiti: radove, udžbenike, knjige, monografije i dr.),
- Ovjerenu kopija dokaza o najmanje jednom provedenom izbornom periodu u zvanju vanrednog profesora;
- Dokaz o originalnom stručnom uspjehu, kao što je projekt, patent ili originalni metod;
- Dokaz o uspješno obavljenom mentorstvu/ima po jednog kandidata za stepen drugog, odnosno reformiranog/integrisanog ciklusa studija i trećeg ciklusa studija;
- Podaci o nagradama i priznanjima u vezi sa odgovarajućom naučnom oblasti, ukoliko ih posjeduju,
- Dokaz o tri objavljena naučna rada/uspješnom vođenju projekta kao ekvivalentu, odnosno supstituciji za opravdano neispunjavanje uvjeta objavljene knjige/mentorstva u skladu sa članom 115. stav (2) Zakona o visokom obrazovanju („Službene novine Kantona Sarajevo“ broj: 33/17) i članom 203. Statuta Univerziteta u Sarajevu.

Kandidati za izbor docenta dostavljaju:

- Prijavu za koje mjesto nastavnika konkurišu uz obavezu navođenja priložene dokumentacije;
- Biografiju/životopis;
- Ovjerene kopije diploma odgovarajućeg fakulteta za oblast na koju konkuriše (visoke stručne spreme, naučnog stepena magistra i naučnog stepena doktora, odnosno diplome I (prvog), II (drugog), odnosno integriranog i III (trećeg) ciklusa studija po Bolonji ili Rješenja o priznavanju visokoškolske kvalifikacije, ako je stečena u inostranstvu ili potvrdu da je postupak u toku);
- Bibliografiju (priložiti: radove, udžbenike, knjige, monografije i dr.);
- Dokaz o pokazanim nastavničkim sposobnostima kod izbora u zvanje docenta;
- Dokaz o nagradama i priznanjima u vezi sa odgovarajućom naučnom oblasti, ukoliko ih posjeduju.

Kandidati za izbor višeg asistenta dostavljaju:

- Prijavu na konkurs za mjesto višeg asistenta uz obavezu navođenja priložene dokumentacije;
- Biografiju/životopis;
- Ovjerene kopije diploma odgovarajućeg fakulteta za oblast na koju konkuriše (visoke stručne spreme i naučnog stepena magistra ili ovjerena kopija diplome I (prvog) i II (drugog) ciklusa studija), odnosno integriranog studija ili Rješenja o priznavanju visokoškolske kvalifikacije, ako je stečena u inostranstvu ili potvrdu da je postupak u toku;
- Dokaz o provedenom izbornom periodu u zvanju asistenta.

Svi kandidati, pored navedenih dokaza, dostavljaju originalni izvod iz matične knjige rođenih i uvjerenje o državljanstvu Bosne i Hercegovine ili ovjerene kopije navedenih dokumenata.

Svi kandidati koji se prijavljuju za izbor docenta na dvije naučne oblasti, obavezuju se uz prijavu dostaviti dva kompleta relevantne dokumentacije za izbor, tj. radova, udžbenika i CD.

Svi listovi Prijave sa priloženom dokumentacijom, osim radova, udžbenika, knjiga, monografija i sl. moraju biti čvrsto uvezani, sa numerisanim stranicama i parafirani od strane kandidata.

Biografiju/životopis i bibliografiju treba dostaviti i u elektronskoj formi na CD-u.

Napomena:

Konkurs/natječaj ostaje otvoren 15 dana od dana objavljivanja. Prijave slati na adresu Prirodno-matematički fakultet Univerziteta u Sarajevu, ul. Zmaja od Bosne br. 33/III, putem pošte (sa naznakom za konkurs i koje mjesto). Bliže informacije se mogu dobiti na telefon: 033/723-738.

Nepotpune, neblagovremene i neuredne prijave, prijave kandidata koji ne ispunjavaju uslove konkursa/natječaja kao i prijave koje sadrže neovjerene kopije tražene dokumentacije neće se uzeti u razmatranje.